

九月廿五日發

市長李福林

指 令

指令財局據呈擬將各馬路騎樓地減

價召領辦法延長一月應准照辦由

指令第一〇四八號

呈一件呈擬將各馬路騎樓地減價召領辦法延長一

月請令遵由

如呈辦准。仰即知照。此令。

九月廿日發

市長孫科

指令工務局據呈請委任

鄭仲廉補充建築
吳鼎補充取締

課長兼技士
課長兼技士

應准如呈照委由

指令第一〇

四五號

呈一件呈報職局建築長兼技士黃肇翔辭職遺缺擬

以鄭仲廉補充取締課長兼技士林柱辭職遺缺擬

以吳鼎補充請分別委任由

如呈准予照委。委狀兩件隨發。仰即查收給領。仍飭

該課長鄭仲廉等。將到差日期呈報。轉呈察核。此令。
履歷存。

計發委任狀兩件

一委任鄭仲廉為廣州市工務局建築課長兼技士此狀
一委任吳鼎為廣州市工務局取締課長兼技士此狀

九月廿日發

市長孫科

指令保証局逾限領証免罰准展限至

九月底止由

指令第一〇四九號

呈一件呈報逾限領証免罰給獎一案擬再展限至九

月底止由

如呈照准。仰即知照。此令。

九月廿二日發

市長孫科

指令兼理工務局姚觀順所請辭去兼

職暫無庸議由

指令第一〇五〇號

呈一件呈請辭去兼職由

據呈各節。自屬實情。惟繼任市長。尙未選出之前。

仰仍暫行勉為其難。以資臂助。所請應毋庸議。此令。

第一四九號

九月廿二日發

市長孫科

附原呈

呈為呈請辭職事。竊觀順前奉

鈞廳呈奉

省長公署委任。暫行兼理工務局局長等因。當經面謁

鈞座。猥以才竭蹶。負責益重。懇請另委委員。以釋

重任。因辭不獲已。復將該局經濟支絀情形。呈明遇

有急需。暫由公用局本任。於車餉內借撥應用。幸蒙

俯允。核准飭遵。觀順遵於九月十三日接篆視事。亦

經呈報各在案。惟自蒞事後。查檢公款出納各項。拮

据異常。收入並無實在的款。似此情形。應辦工務。

必致束手無策。與共素餐貽誤。不能不退讓賢能。並

車輛船舶餉項收解。不容延緩。專心辦理公用局務。

尙恐力有不逮。何能復加肩負。然尤有下情不能不上

達者。觀順現率警衛軍隊伍。隨同

帥節出發北伐。前赴韶開佈防拱衛。料理一切。自當

省詔來往。不敢稍誤戎機。而以兩局相衝。公用局收

納。全賴得人。文牘較簡。工務一局。籌畫建設。時

須口授辦法。未便時常離省。連日悉心付度。再四思

維。工務局長一職。迫得呈請辭去兼理。以免隕越。而身隨

帥節。亦可專心任事。面授機宜。此則權其輕量。當

蒙 俯予所請者也。所有懇辭兼理工務局局長緣由。理合

備文呈請 察核。俯准迅賜委員接替。或委本局設計課長伍希呂

代理。以便早日交卸。並請轉呈 省長備案。實為公便。謹呈

廣州市市長孫。 兼理工務局局長姚觀順

指令工務局修理大沙頭木橋費准在車
捐項下借支由 指令第二號

工務局呈一件呈報經在公用局車捐項下借支修葺大
沙頭木橋費一千五百三十元請備案并令行財
政局查照由

善悉。准予所請備案。并候行
仰財政局查照可也。此令